



### Alijine sarajevske minijature (3)

#### Iz knjige „Sarajevski nekrologij“, Alije Nametka

#### O Hasanu Miljkoviću

Na jednoj godišnjoj skupštini Centralnog odbora Jugoslovenske muslimanske organizacije u Sarajevu bili su svi delegati iz Sarajeva i provincije i birali su se kandidati za narodne poslanike te stranke. Hasan Miljković nije bio biran na jednim izborima, pa je za dvije godine okokuzio. U delegatima ih je bilo dosta iz Bihaćkog okružja koji su po njegovu nagovoru, trebali intervenirati da na kandidacionoj listi budu na vrhu, jer samo tako može proći. Imao je jednog grlatog delegate, koji ustade, kad se govorilo o sastavu liste za Bihaćko okružje, pa će: “Braćo da biramo Hasana Miljkovića. On je, braćo, za ovo vrijeme što nije bio poslanik, propao i moralno i materijalno.”

Nastao je urnebesni smijeh, ali je Hasan dobio takav siguran izborni srez da je izabran za narodnog poslanika.

U zatvoru u Zenici je bio čudak. Klanjao je sve namaske vaktove i, valjda, nije nijedan propustio, a jeo je slaninu bez ikakva skrivanja i ustručavanja. Čini mi se, u proljeće 1958. došao je u Sarajevo i obišao sve one poznanike iz zatvora s kojima je bio zajedno ili se s njima viđao u Zenici. Jednog dana došao je i meni u Institut za proučavanje folklore, a nedugo iza toga dođe vijest da je umro u svojoj Velikoj Kladaši.

## Alijine sarajevske minijature

Autor Administrator

Srijeda, 31 Sranj 2013 16:21 - Ažurirano Četvrtak, 01 Kolovoz 2013 17:18

---

(pripremio Nadan Filipović){jcomments on}